

CONSTITUTIO

SIXTI QUINTI

IN QUA ERIGITUR

CONGREGATIO

SACRO RUM RITUUM,
ET COEREMONIARUM.

JAm verò, cùm Sacri Ritus, & Cœremoniaë, quibus Ecclesia à Spiritu Sancto edocta ex Apostolica traditione, & disciplina utitur in Sacramentorum administratione, Divinis Officiis, omnique Dei, & Sanctorum veneratione, magnam Christiani Populi eruditionem, veræque Fidei protestationem commendent, Fidelium mentes ad rerum altissimarum meditationem sustollant, & Devotionis etiam igne inflamment, cupientes Filiorum Ecclesiæ pietatem, & Divinum cultum Sacris Ritibus, & Cœremoniis conservandis, instaurandisque augere.

§. 1. Quinque Cardinales delegimus, quibus hæc præcipuè cura incumbere debeat, ut veteres Ritus Sacri ubi vis locorum, in omnibus Urbis, Orbisque Ecclesiis, etiam in Capella nostra Pontificia, in Missis, Divinis Officiis, Sacramentorum administratione, cœterisque ad Divinum cultum pertinentibus, à quibusvis Personis diligenter observentur, Cœremoniaë si exoleverint restituantur,

CONSTITUTIONES AC DECISIONES AD SACROS RITUS SPECTANTES,

EDITÆ

ANNIS, DIEBUS, & MENSIBUS,
UT INFRA.

Anni

Numeri

1262. die..&c. — **F**estum SS. Corporis Christi pro 1

Feria quinta post Octavas Pen-
tecostes quotannis celebrandum instituitur: Om-
nibus autem Christifidelibus verè pœnitentibus
& confessis, qui Matutinali Officio Festi ejus-
dem, in Ecclesia, in qua idem celebrabitur, in-
terfuerint, centum: qui verò Missæ, totidem:
qui autem in primis ipsius Festi Vesperis interfue-
rint, similiter centum: qui verò in secundis Ve-
speris, totidem: illis verò, qui Primæ, Tertix,
Sextæ, Nonæ, ac Completorii Officiis interfue-
rint, pro qualibet Horarum ipsarum, quadra-
ginta: illis autem, qui per Octavas illius Festi,
Matutinalibus, Vespertinis, Missæ, ac prædi-
ctarum Horarum Officiis interfuerint, centum
dies, singulis Octavarum ipsarum diebus, de in-
junctis sibi pœnitentiis relaxat *Urbanus IV. apu-
Cherubin. in Bullar. Rom. tom. 1. Constitut. 1.
ejusdem Pontific. quæ incipit Transitorius. § Vi-
de infra, 1429. 26. Maii, il 1.*

1390. 9. Nov. — Festum Visitationis Beatæ Ma- 2
riæ Virginis pro die secunda Julii instituit Urba-
nus VI. anno 1389. 8. Aprilis, sed eo morte præ-

A

ven-

1729. 30. Jul. — Sequens Elogium S. Joannis 1504
 Nepomuceni, scilicet: *Decimoseptimo Kalendas Junii; Pragæ in Bohemia S. Joannis Nepomuceni Metropolitanae Ecclesiae Canonici, qui frustra tentatus, ut Sigilli Sacramentalis fidem proderet, in flumen Moldavam dejectus, Martyrii Palmam emeruit: approbavit, ac in Martyrologio Romano sub die decimasexta Maii apponi, ac imprimi posse censuit Congregatio Rituum annuente Benedicto XIII. die 6. Augusti ejusdem anni 1729. in Decreto Urbis & Orbis, quod ego Domi retineo, impressum Romæ Typis Reverendæ Camere Apostolicæ 1729.*

Si aliqua ex meis opinionibus non sit ritè, & rectè fundata, eam, omnemque aliam, totamque meam Collectionem humillimè submitto judicio & censuræ Sanctæ Matris Romanæ Ecclesiæ, cujus me fateor ac profiteor obedientissimum Filium.

L. D. M. D. A. P. ac S. I. L.